



江蘇省地方志編纂委員會辦公室編

江蘇歷代方志全書

②



江蘇省地方志編纂委員會辦公室編



鳳凰出版社

江蘇歷代方志全書

2

江寧府部

ISBN 978-7-5506-2318-7



圖書在版編目（C I P）數據

江蘇歷代方志全書·江寧府部 / 江蘇省地方志編纂
委員會辦公室編. — 南京：鳳凰出版社，2016.2
ISBN 978-7-5506-2318-7

I. ①江… II. ①江… III. ①江蘇省—地方志 IV.
①K295.3

中國版本圖書館CIP數據核字(2016)第006658號

- | | |
|-------|---|
| 書名 | 江蘇歷代方志全書·江寧府部 |
| 編者 | 江蘇省地方志編纂委員會辦公室 |
| 責任編輯 | 王劍 王愛榮 吳瓊 |
| 裝幀設計 | 姜嵩 |
| 出版發行 | 鳳凰出版傳媒股份有限公司
鳳凰出版社(原江蘇古籍出版社)
發行部電話025-83223462 |
| 出版社地址 | 南京市中央路165號,郵編:210009 |
| 出版社網址 | http://www.fhcbs.com |
| 經銷 | 鳳凰出版傳媒股份有限公司 |
| 印刷 | 揚州文津閣古籍印務有限公司
揚州市開發區鴻揚路22-2號(6幢),郵編:211153 |
| 開本 | 889×1194毫米 1/16 |
| 印張 | 1151 |
| 版次 | 2016年2月第1版 2016年2月第1次印刷 |
| 標準書號 | ISBN 978-7-5506-2318-7 |
| 定價 | 21600.00圓(全二十七冊) |
- (本書凡印裝錯誤可向承印廠調換,電話:0514-87969255)

景定建康志(二)



(宋)

馬光祖 修
周應合 纂

第二册目錄

景定建康志（二）	〇〇一
至正金陵新志	一〇九

景定建康志卷之四十六

承直郎宣差充江南東路安撫使司幹辦公事周應合修纂

祠祀志三

寺院

保寧禪寺在城內飲虹橋南保寧坊內

考證吳大帝赤烏四年為西竺康僧舍建寺名

建初晉宋有鳳翔集此山因建鳳凰臺於寺側

晉宋更寺名曰祇園齊更名曰白塔唐初復名

曰建初開元更名曰長慶南唐更名曰奉先

建康志卷四十六

本朝太平興國中賜額曰保寧祥符六年增建

經鍾樓觀音殿羅漢堂水陸堂東西方丈莊嚴

盛麗安衆五百又建靈光鳳凰凌虛三亭照映

山谷圍磬塲牆五百丈茂林修竹松檜藂蔚

詔歲度五僧政和七年 勅改神霄宮建炎元

年 勅復舊額三年四月

大駕幸江寧權以寺為行宮閏七月如浙西其

後命卽府治修為 行宮而 御坐猶在本

寺歲久屋弊留守馬光祖重建殿宇及方丈觀

音殿水陸堂厨堂庫院移鍾樓冠青龍首增建

廊屋橫直一十八間作新建鳳凰臺記詳見鳳

凰臺下葉夢得輪藏記維摩氏極天下之辯而

即一矣反之於默其為法名之曰不二夫不二

者歟道未始有其一也既以不二豈以一猶為有在

彼自為二而吾強欲一之必有廢其一以成其

二者非道之全也要有非一而不二者存焉爾

何特維摩氏為然孔子曰有鄙夫問於我空

如也我叩其兩端而竭焉空云者豈有物實

之者哉然猶意其墮於一也則叩之以兩端蓋

維摩氏所謂不二法印之兩端而知其兩端則

以吾之知證彼之知則不可一舉而盡矣人之

也謂之鄙夫則可謂之君子則不可佛以無所

言而為一切衆生無所不言是斷滅見孰能辯其非

顛倒見以為無言不言是斷滅見孰能辯其非

一而不由晉宋歷唐至于今不絕梵語華言更相

發明傳其學者又從而申衍之其說遂充滿天

下輯而藏之皆設為峻宇高臺雕刻綵繪備衆

寶以為飾竭衆巧以為工苟可以莊嚴者無不

至梁普通復有異人為之轉輸以運之其致意

深矣吾少時見四方為轉輸者無幾比年以

來所在大都邑下至窮山深谷號為蘭若十而

六七吹蠡伐鼓音聲相聞極負金帛踵躡戶外

可謂甚盛然未必皆達其言尊其教也施者假

之以微福造者因之以求利浸浸日遠其本建

康府保寧寺當承平時於江左為名刹更兵火

久廢今長老懷祖守其故址於煨燼之餘十有

四年堂殿門無遺復其舊而一新之最後作轉

輪藏余鎮建康時見其始經營後四年余歸石

林祖以書來告曰藏成矣幸得記其本末祖蓋

以正法眼傳其心者其為人潔而通端深而敏

非徒以有為作佛事者也乃為推其師之言合

諸儒之說正佛之所以言以曉世俗之弊祖當益以是振之夫方無所言則維摩氏之默如太阿難等得道受記諸大弟子皆不任問疾及其無所不言則雖觀世音亦從聞所聞而入爾乃寺之興廢係其時人之施舍係其力有不必記故不書

正覺禪寺一名鐵塔寺在城內西北冶城後崗上

考證 本大始中邦人捨地建精舍號延祚寺至唐有靈智禪師生無雙目號羅睺和尚經論文字悉能明了時人稱有天眼爲建塔於寺內廣明中賜額○梁侯景之亂王僧辯入討景使其黨宋長貴守延祚寺何遜有登延祚寺閣詩○

卷四十六

建康志卷四十六

三

佛殿前有鐵塔二座鑄云乾興元年造古鍾亦唐時所鑄有經幢鐫大吳金陵府延祚院寺有井十一口內一口最大號爲百丈泉井欄上字乃保大元年所鑄○宋熙寧中賜寺名曰正覺塔名曰普照○王荆公嘗於寺西作書院有軒名籜龍○建炎三年以法堂西偏爲元懿太子攢宮詳見攢宮曾極劉克莊皆嘗題詩曾極詩逝水無情去不回黃簾窳地隔風埃摩挲鐵塔堪流涕此是君王思子臺劉克莊詩細認苔間寺方知鑄塔時不因兵廢壞似有物扶持古殿人開少深窻日上遲僧言明受寺相對各攢眉

能仁禪寺在城內南廂嘉瑞坊

考證 慶元間游九言撰本寺佛殿記略云能仁寺南接秦淮數百步按其地古青溪之濱也初名報恩宋元嘉文帝爲高祖勅建唐會昌中廢僞吳大和六年毗陵郡公徐景運復爲其親造曰報先南唐昇元改興慈無鐫識可攷獨據圖經所載然五代唐愍帝應順甲午爲吳之太和逆數會昌乙丑蓋已九十年旣曰廢矣中間誰所繼續乎院之老僧相傳僅記本朝之言院故在西門雙廟之東至道中有圓覺律師德明者際遇太宗皇帝召見錫之御容及羅漢像以歸咸平間重賜院基田產更律爲禪寵以聖製詩章詩見第四卷院復大顯至崇寧賜名承天政和七年改能仁今之寺基咸平所賜而遷也

蔣山太平興國禪寺去城一十五里

考證 梁武帝天監十三年以定林寺前岡獨龍阜葬誌公永定公主以湯沐之資造浮圖五級

卷四十六

建康志卷四十六

四

於其上十四年卽塔前建開善寺今寺乃其地也唐乾符中改爲寶公院南唐昇元中徐德裕重修後主又改爲開善道場 本朝太平興

國五年改賜今額慶歷二年葉公清臣奏請爲

十方禪院

寺即劉公梁武其女號曰永定公主割捨私財創爲精舍當時詞臣陸倕王均作爲文章以紀其事我本朝大中祥符賜榜太平

學士葉清臣來守是邦以禪真慶改元翰林法泉者經營辛苦成大叢林焚於建炎復於紹

興云大佛殿前又有大毗盧閣兩翼爲行道閣屬之殿其餘堂廡極其雄麗皆紹興以來所建

淳熙十六年九月晦一夕而燼今累年營繕駸駸復盛矣寶公舊像父老相傳以沉香爲之

國初取歸京師陳軒金陵集載狄威游蔣山詩云旃檀歸象魏宰塔卧煙霞蓋謂此也本朝

太平興國七年舒氏柯萼遇老僧往萬歲山指古松下掘之得石篆乃寶公記

聖祚綿遠之文於是遣使致謝謚曰寶公妙覺治平初更謚道林眞覺大師按建康實錄開善

寺有誌公履唐神龍初鄭克俊取之以歸長安今洗鉢池尚在塔西二里法雲寺基方池是也

寺西有曰道泉以僧道光穿斲得名曰宋熙泉以近宋熙寺基之側有八功德水在寺東

眞庵之後一云泉在寺北高峯絕頂寺東山巔有定心石下臨峭壁寺西百餘步有白蓮庵

前有白蓮池乃策禪師退居之所寺後向東有斐禪師題詠李司徒建勳樓臺雖少景何深滿

之塔水聲閑與客同尋清涼會擬歸蓮社沉涵終須

葉竹林長愛寄吟經案上石窻秋霽向千岑又

建康志卷四十六

建康志卷四十六

冠山仙家亦寥寥空餘華石延風月無復靈蹤落市朝帳座追嚴多獻寶供盤隨施有操詠他

方出沒還如此與物何心作通遙寶公塔院神室斯文實有寄天堂偶生才一日鳳鳥去千秋

梁木摧煙留衰草恨風造暮林哀豈謂登臨處飄然獨往來書靜照禪師塔簡老已歸黃土陌

淵師今作白頭翁百憂三十餘年事陳迹山林草野中寶公塔道林眞覺骨葬青霄峯塔千秋未

寂寥寶勢旁連大江起尊形獨受衆山朝雲泉別寺分三徑香火幽人抵一瓢我亦驚峯同聽

法歲時歌唱豈辭遙○曾極六帝園陵墮劫灰獨餘靈骨葬崔嵬行人指點雲間鶴喚得齊梁

絲輕霧不收謝得東風如有意故教晴色漸盈眸松陰十里青絲障石磴千層白玉樓彌望寬

平有如此故應常作帝王州

半山報寧禪寺在城東七里距鍾山亦七里王荆公



安石故宅也

考證其地名白塘舊以地卑積水為患自荆公

卜居乃鑿渠決水以通城河元豐七年安石病

聞 神廟遣國醫診視既愈乃請以宅為寺

因賜額報寧禪寺寺後有謝公墩其西有土山

曰培塿乃安石決渠積土之地由城東門至鍾

山此半道也故今亦名半山寺寺中有寶禪師

語錄序王荊撰米芾書陳軒金陵集載荆公半

山詩凡十五首半山即事誰將石黛染春潮復

建康志卷四十六

七

好筍與追我莫辭遙○雪乾雲靜見遙岑南陌
芳菲復可尋換得千顰為一笑春風吹柳萬黃
金○南浦東岡二月時物華撩我有新詩含風
鳴綠細移蔬果亦多收神林處處傳簫鼓共賽
元豐第一秋○放歌扶杖出前林遙和豐年擊
壤音曾侍玉階知帝力曲中時有譽堯心○隨
意柴荆手自開松岡度壑復登臺小橋風露扁
舟月迷鳥鵲無往來○露積山禾百種收漁
梁亦自富鰕鱖無羊說夢非真事豈見元豐第
二秋○湖海元豐歲又登旅生猶足暗溝塍家
家露積如山嶺黃髮容嗟見未會○豚欄雞埭
曉鷺閑喜林搖落獻南山豐年處處人家好隨
意飄然得往還○秋雲放雨靜山林萬壑千端
共一音欲記荒寒無善畫賴傳悲壯有能琴○
半山歲晚即事曰蜜畏前境淵明欣故園那知
飯不賜所喜菊猶存亦有牀坐好俱無車馬喧
誰為吾侍者稚子候柴門○長者一牀室先生

清涼廣惠禪寺在石頭城去城一里

考證偽吳順義中徐溫建為興教寺南唐昇元

建康志卷四十六

八

初改為石城清涼大道場

國朝太平興國五年閏三月改今額○舊傳此

寺嘗為李氏避暑宮寺中有德慶堂今法堂前

舊基是也後主嘗留宿寺中詩有未能歸去德

慶堂名乃後主親書祭悟空禪師文乃後主自

為之碑刻今並存東坡嘗捨彌陀畫像于寺中

詩云問禪不契前三寺有大鍾乃偽唐後主

所鑄至其司見先主被五木甚嚴民大駭曰主

何至此耶主曰吾為宋齊丘所誤殺和州降者

千餘人汝歸謂嗣君凡寺觀鳴大鍾吾受苦則

暫休或能為吾造一鍾九善後主造鍾于清
涼寺鑄云追薦烈祖孝高皇帝脫幽出苦

寺有白雲庵見王荆公詩翠微亭不受暑亭鄭介公

書堂詳見亭堂○聖宋書畫錄云舊有董羽畫龍李

昱八分書李霄遠草書時人目為三絕王荆公

惜馬廐贖許我年年一度來野館蕭條無準擬

與君對植浪山梅○蘇東坡贈清涼長老代北

初辭沒馬塵江南來見卧雲人問禪不契前三

語施佛空留丈六身老去山林徒夢想雨餘鍾

鼓更清新會須一洗黃茆瘴未用深藏白氎巾

○又贈清涼長老過淮入洛地多塵舉扇西風

欲汚人但怪雲山不改色豈知江月解分身安

心有道年顏少遇物無情句法新送我長蘆舟

一葉笑看雪浪滿衣巾○楊次公題君勿愛清

涼清涼如火如沸湯君勿惡炎熱炎熱如冰如

積雪勿愛亦可惡未是逍遙處君不見海會山

前一條路一車來一車去今古轉轅何日住落

花時節雨初晴黃鶯枝上分明語○曾公李主

避暑處至今多竹鳴響斷苑牆平敞憂惟聞

風玉聲三百年間陵谷變寒潮不到石頭城○

秋月春花迹未陳哀龍會繞夢中身夷門金鼓

從天落驚起床頭鼻鼻人○溫庭筠黃花和樹

謝芳蹊宮殿參差黛嶺晚吹從金鐸竹葉寒苔上

堂秋水接籃溪松飄晚吹從金鐸竹葉寒苔上

石梯妙跡奇名竟何往下方煙草蔓蔓○張

石龕勢抱煙光重門突帆傍連簷金像閣半壁

盡日老僧房○馬駒出郭無多遠登山有許

高舊游曾到處此地足稱豪日月真雙轂關河

等一毫松篁知我意故與北風塵○舊時月過

女牆頭風雨摧頽廢不脩地老天真無處問松

聲離響替人愁祥刑使者來何暮弔古詩篇清

更幽收拾江山入懷袖却歸講席進鴻臚○劉

大のり

建康志卷四十六

九

大のり

建康志卷四十六

十

後開塔廟當年甲一方千層金碧萬縑郎開山
佛已成胡鬼住院僧猶說李王遺像有塵龕壞
壁斷碑無首立斜陽惟應駐馬坡頭月會見金
與夜納涼○王潛五馬南浮一化龍山川萬
古勢增雄誰知佛祖安禪地曾是君王選暑宮
古磴松篁秋意足空江煙水夜潮通介翁祠宇
依然舊在儘有廉頑立懦風○羅北谷清涼世界
竹如雲舊日君王愛此君時代改還龍變化荒
山啼鳥不堪聞○蘇軾日纔升抹薤紅江
南自在覆盆中齋餘茗椀聽僧話身在當年避
暑宮

天禧寺即古長干寺在城南門外

考證梁天監元年立大同元年幸長干寺阿育

王塔出佛爪髮舍利又幸寺設無遮食大赦○

大のり

建康志卷四十六

十

丹陽記大長干寺道西有張子布宅在淮水南
對瓦官寺長干是秣陵縣東里巷名江東謂山
壠之間曰干建康南五里有山岡其間平地庶
民雜居有大長干小長干東長干並是地名小
長干在瓦官寺南巷西頭出大江梁初起長干
寺按塔記在秣陵縣東今天禧寺乃大長干也
○皇朝開寶中曹彬下江南先登長干北望金
陵卽此地○天禧二年改爲天禧寺政和六年
建法堂李公之儀端叔天禧寺新建法堂記云
天禧寺者乃長干道場葬釋迦眞身舍

以計

建康志卷四十六

上

利祥符中建塔賜號聖感舍利寶塔至天聖中又賜今額按梁書大同三年高祖改造阿育王塔出舊塔下舍利及爪髮髮青紺色衆僧以手伸之隨手長短放之則屈爲蠶形始吳時有尼居其地爲小精舍孫綽尋毀除之塔亦同吳平後諸道人復於舊處建立焉中宗渡江更修飾之至簡文咸安中使沙門安法師程造小塔未及成而亡弟子僧顯繼而修之至孝武大元九年上金相輪及承露其後西河離石縣有胡人劉薩何遇疾暴亡而心下猶暖未敢便殯經七日更蘇說云有兩吏見錄至十八地獄隨報重輕受諸苦毒見觀世音語云汝緣未盡若得活可作沙門洛下齊城丹陽會稽並有阿育王塔可往禮拜則不復墮地獄因此出家游行禮塔大至丹陽未幾知塔處乃登越城望見長千里有異氣色因就禮拜果是阿育王塔所放光明由是定知有舍利乃集衆掘之入一丈得三石碑中一碑有鐵函函中有銀函銀函中有金函盛三舍利及爪髮各一枚長數尺卽遷舍利近北對簡文所造塔造一層塔十六年沙門僧尙加爲三層卽高祖所開者也○蘇魏公頌長干寺詩注云晉時有沙門惠達至金陵長干獲古佛塔因於其地建佛刹劉薩何也至南唐時廢寺爲營廬久之舍利數表見感應祥符中僧可改狀其述并感應舍利投進有語復爲寺僧其表見之地建塔賜號聖感舍利寶塔○白塔在寺東卽葬唐三藏大徧覺元奘大法師頂骨之所金陵僧可政端拱元年得於長安終南山紫閣寺俗呼爲白塔事具塔記元符二年知府事呂公升卿請於朝改爲十方住持○楊次公長干聖感塔詩云釋迦八萬四千塔一在江南古道場無礙展開青髻髮最初分得白毫光○陳軒金陵集載槐京登長干塔詩云江南管當幸事畢盡憑廟算非臣專眷言此地本軍壘乞與招提安佛子寺有阿育王塔天禧中賜名聖蓋敘國初事也

以計

建康志卷四十六

上

威有塔記題詠尤多○宋存宰塔疑然鎮梵宮舉藏何處鐸遠危簷聲撼風○蘇魏公次韻遊長干寺寺接都東南僧常爲我談初因晉大士來獲古靈龕歷世名空在重興德乃堪先朝賜新額此地建精藍億載扶皇統生民息戰函利仍存故里龍復止深潭九級唯塗壁千梁盡稍露亭臺各軒豁巖谷更空冷殿角芝成玉松梢露隊甘穴棲多禮罷池怪神龜可愛臨岡曲何人結草庵欲求壽隱逸誰與共歡酣念往須勤到登高已舊詣低頭小城市舉目遍村嵐靜境絳絳達塵容却自慙常思真趣嚮可抑俗餐貪宇宙開懷適江山極望涵相邀幸多暇命駕卽追參又次韻登長干寺塔凡劫半依山經營昔甚艱周遭嚴佛宇直上俯天關登陟緣梯險淹留布坐堅椽楹亦塗附欄檻遍朱殷白日分明到青雲咫尺攀龍潭斜影落鳥翼使飛還基轍從吳晉聲名動朔蠻燈然時照耀梵唱每循環住事稠重問前朝指顧間誰知息心處香火老僧閑○玉潤公梵館清閑側布金小塘回曲翠文深柳條不動千絲直荷葉相依萬蓋陰漠漠岑雲相上下翻翻沙鳥自浮沉羈人樂此忘歸志忍向西風學越吟○曾極十丈祥光起相輪鐵浮屠鎮法王墳只愁西域神僧至夜捧舍利入雲○周文璞雲杉焚焚一塔燈覺皇舍利寶煙凝山門推上三更月似照前朝禮拜僧○馬野亭兩山回處是爲干有塔亭亭高似山不但裝嚴增梵刹可能形勝助城關燈明星斗掛林木鈴動天風吹佩環陌上行人遙見此有時東往又西還○帝王萬世餘磐石宮派五家多旋渦獨立城南經六代問君心事竟如何

鹿苑寺舊名法光寺卽梁蕭帝寺也在今城東南隅考證元屯田絳嘗爲記金陵氣王三百年聲明文物與時隆替中間惟

卷四十六

建康志卷四十六

寺

蕭梁折節以佞佛故佛之廟貌充斥江表都城
異維直淮上所有精舍焉紫峯紆餘反字欲翔
盤高孕虛含吐萬景望之輝然如修虹亘霄丹
碧相發殿有聖像即山而成追琢之功極其精
妙案輿地志不知從昔之名但後人以帝氏目
之黃旗運歇勢勝故在閩唐據據因其跡而增
華易榜法光標為齒概聖朝混一書軌以三
代文教蕭勺宇內四聖累洽浸厚福於生民梵
刹禪林容仍舊物而茲寺垂地瘁焉不支已卯
春寺僧募大姓杜德明出瘁金五十萬程工就
其址起高廣殿木槩不移勞瘁有嚴光輝復還
風物異態又粉繪釋迦文相即山壘十六大尊
者生之供稱是該備其秋告成乃作鍾明蒲
飡以落之道俗和會圖視其適青溪之水木鍾
阜之雲物來入軒廊相為澄曠都人說焉有修
其狀而至於會同閑趙郡李君從事海濱謂余
惟勝冠筮仕彼都與故漢陽吳嗣復昌卿並遊

其壁露醉撫翰刻名楹間晦明馳蓋四十八
甲子老龍死矣靈光巋然齋舍舊游恍若夢覺
今之辱請可沒其燬乎月而日之寺有子隱堂
庶以傳久康定二年三月八日記

即周處築臺讀書處也詳見○佛殿前有郗氏
窟舊傳梁武帝郗后化蟒事頗迂怪不錄

崇勝戒壇院即古瓦官寺又為昇元寺在城西南隅

考證晉哀帝興寧二年詔移陶官於淮水北遂

以南岸窑地施僧慧力造瓦官寺舊志曰瓦棺
俗說云瓦棺寺之名起自西晉時長沙城隅忽
陸地生青蓮兩朵民以聞官掘得一瓦棺見一
僧形兒儼然其花從舌根生父老云昔有一僧
不說姓名平生誦法華經萬餘部臨死遺言曰

以瓦棺葬之遂以寺名為瓦棺而本於此其說
頗涉怪誕縱果有此事亦在長沙於此無與也
不知陶官之為瓦官而以官淳熙中韓元吉嘗
為棺殆傳會而為之說耳

嚴因崇報禪寺即景德樓霞寺在今城東北之攝山

去城四十五里

考證齊永平七年明僧紹捨宅為寺見江摠持

碑明僧紹宋泰始中遊此山刊○寺有舍利塔

乃隋文帝葬舍利處○唐高祖改為功德寺增

治梵宇四十九所樓閣延袤殿宇鱗次高宗御

製明隱君碑改為隱居棲霞寺御書寺額有碑

尚存字不可辨武宗會昌中廢宣宗大中五年

重建○南唐高越林仁肇建塔徐鉉書額曰妙

因寺○國朝太平興國五年改為普雲寺景德

五年又改為棲霞禪寺元祐八年六月改賜今

額為叅政簡翼張公環功德寺○左有千佛嶺

後有天開巖碧鮮亭白雲庵迎賢石醒石中峯

澗石房白雲泉亦名品外泉寺前有明僧紹高

越墓寺中古碑及時賢題詠頗多

山中南谷昔有天台止觀



青

建康志卷四十六

五

建康志

建康志卷四十六

六

寺高僧法曠嘗於寺紫湓峯下建般若堂演大
論有虎穴寺在山中峯齊王融有游虎穴寺詩
○宋景文○雞鵲集○南齊樓霞寺大明法師
好談論手執松枝為談枯隋文帝仁壽二年送
到舍利天下凡八十一州分而造塔蔣州樓霞
其一也○唐則天建舍利塔於青龍山之巔唐
末焚毀○寺有金銀銅像背記略云維大景
龍二年四月八日洛州大福先寺前樓霞寺在
比丘曇一於潤州江寧縣明隱君經坊內鑄瀉
金銀銅釋迦像三軀奉為高宗皇帝天大帝則天
大聖皇后應天神龍皇帝云○又有石像在千
佛嶺棲霞詩注云明隱君與度法師講無量壽
經西峯石壁中夜發光中現無量壽佛自爾
捨家財鑿巖造大像坐高五丈觀音勢至立像
高三丈五寸○宋齊七帝造石佛千尊所謂千
佛嶺○周絲栖霞寺贈月公明家不用買山錢
施作清池種白蓮松檜老依雲外地樓臺深鎖
洞中天風經絕頂迴疎雨石倚危屏挂落泉欲
結茅庵伴師住官饒多少薜蘿煙○劉長卿東
峯尋南齊明徵君故居山今不見山鳥自相
從長嘯辭明主終身臥北峯泉源通石徑磻戶
掩塵容古墓依寒草前朝寄老松風通石徑磻戶
萬壑通疎鍾惆悵空歸去猶疑松下逢○李頎
居與鳥巢鄰日將巢鳥親多生從此性久集得
無身樹老風終夜山寒雪見春不知諸祖後傳
印與何人○權德輿清論月輪低閑吟茗花熟
又巖花點寒溜石磴掃春雲○張暉躋險入幽
林翠微含竹殿○李紳鳥噪啄秋果翠深銜素
魚○李商隱從建勳養花天氣近平分瘦馬來敲
白下門時色未開山意遠春容猶淡月華昏
邪冷落存遺跡籬落稀疎帶舊村此地幾經人
聚散只今王謝獨名存○知府事王隨翠巖登
層雲珍祠古迹存獲登千佛嶺仰荷九有恩松
影凌虛閣鐘聲度遠村僧言前太守罕有到松
門○虛聰殘燭明欹枕旅懷清永夜起松籟滿
山疑雨聲吟餘閑景象道勝小榮名鍾罷星

曙悠悠迴旆旌○楊虞部備一炷香銷百和焚
有時鍾磬梵天聞上方結草如高枕不獨棲霞
可卧雲○王勣公安石遊樓霞庵約平甫至泐
泐林間路蕭蕭蕭物外僧高陰涼易入閑貌老難
增官事真傷錦蕭蕭物外僧高陰涼易入閑貌老難
許陳登○知府葉清臣德舉多靈草近在下終欲
維僧紹昔捨宅抱持嘗作碑高風一編題廢宇
亦陵遲清泉漱白石霏霧蒙紫芝松蘿日蕭寂
猿鳥自追隨游入夢或謂隱者誰與期支郎篤
清尚千里孤雲飛覽古玩青蘭尋幽窮翠微顧
子符戲守出宿簡書憑憑訪陳迹賡作攝山
詩○谷倪子○去郭六十里閑遊世譁不
將仙鶴伴還用白牛車草木隱君宅香燈古佛
家幾多吟景致無限筆光華泉想尋新眼茶應
發嫩芽遙知碧巖上舉手拂烟霞○新眼茶應
川四絕自來誇碧巖上舉手拂烟霞○新眼茶應
肥遁莫疑僧室擅樓霞○知府趙師龍尋幽訪
古到巖前仰視雲霞接梵天六代興王那復在
千身化佛尚依然老松欲作蒼龍去怪石常如
猛虎眠已覺塵勞變清淨何當築室向危巔○
上元趙知縣伯嚴樓霞境界何清壯嶽立五峯
如列障三微不復見高人千刻尚能磨寶相摩
空老木酌秋聲雲屋天巖滿意行夜
闌風定月將午門外呦呦聞鹿鳴
隆報寶乘禪寺即舊草堂寺在上元縣鍾山鄉去城
十一里
考證齊周顒隱居之所後顒出仕孔稚圭作北
山移文假草堂之靈以譏之高僧傳云時有釋
慧約姓婁少達妙理顒素所欽服迺於鍾山舊
館造草堂寺以居之今寺左乃婁約置臺講經

文之地寺後卽顯舊居也唐會昌中寺廢

國朝復建治平中賜額寶乘紹興三十二年六

月改賜今額王荆公安石與道原遊西庵遂至

銷沉園宅在人境歲時傷我心強穿西塋路共

望北山岑欲見道人語跨鞍聊一尋○親朋會

合少時序感傷多勝踐聊爲樂清談可當歌微

風澹水竹靜日暖烟蘿興極猶難盡當如薄暮

何○草堂寺烏石岡邊綠繞山柴荆細徑水雲

間拈花嚼蕊長來往只有春風似我閑○遊草

堂寺次韻三首垣屋荒蕪野殿冷檀沉鶴有

思願意鷹無戀過心禪房閑深竹齋鉢度遙岑

寂寞黃塵裏金身待一尋○僧殘向食少佛古

但泥多寒守三衣法飢傳一鉢歌寬閑每進竹

危朽漫牽蘿悵恨庭前柏西來意若何○野寺

眞蘭若山僧老病多疎鍾挾谷響悲梵入樵歌

水映茅簷竹雲埋鳥女蘿拂塵書所見因得擬

陰何○對某與道源至草堂寺北風吹人不可

出清坐且可與君某明朝殺局日未晚從此亦

復不吟詩○草堂一山主一公持一鉢想復度

遙岑地瘦無黃犢春來草更深○草堂懷古周

顓宅作阿蘭若妻約身歸宰堵波蕙帳銅餅皆

同泰寺案輿地志在北掖門外路西南與臺城隔路

考證實錄梁武帝大通元年初此寺寺在宮後

別開一門名大通對寺南門造大佛閣七層大

同十年震火所焚略盡卽更造未就而侯景亂

南唐改爲淨居寺尋又改圓寂寺其半爲法寶

寺又輿地志法寶圓寂寺卽古同泰寺基舊址

梁大通元年初創同泰寺開大通門以對寺之

南門取反語以協同泰自是晨夕講義多由此

門寺卽吳之後苑晉廷尉之地遷於六門外以

其地爲寺○龔穎運歷圖云大同元年幸同泰

寺鑄十方銀像二年幸同泰寺鑄十方金像○

南史上幸同泰寺設四部無遮大會上釋御服

持法衣行清淨大捨以便房爲省素牀瓦器乘

小車私人執役升講堂法座爲四部大衆開涅

槃經題羣臣以錢億萬祈白三寶奉贖皇帝菩

薩衆僧默許百辟詣寺東門奉表請還宸極三

請乃許上三答書 六朝事迹云梁武帝起同泰

寺在臺城內窮竭帑藏造大佛閣七層爲天火

所焚梁帝捨身施財以祈佛福自大通以後無

年不幸同泰寺設四部無遮大會俄而侯景兵

起陷城遂以虛器進膳自庚辰至丙戌七日不

食而崩晉書布薩關齊涕泗揮大通基址昔

歸○揚廣非此身終屬侯丞相誰辦金錢贖帝

倚欄危沉檀爐上煙雲合恰似當來煨燼時

寺今廢其半爲法寶寺

法寶寺亦曰臺城院乃梁同泰寺基之半也今在

行宮北精銳軍寨內

考證梁武帝大通元年創同泰寺詳見前寺○僞吳

順義二年以同泰寺之半置爲臺城千福院

本朝改賜今額○寺前有醜石四各高丈餘俗

呼爲三品石政和中取歸京師或謂之關石○

寺前牆外有井耆老相傳爲陳時臙脂井叔寶

與張麗華墜而復出之所也寺基最闊淳祐七

年創置精銳軍同泰寺舊基皆爲寨屋及蔬圃

今井在寨內今精銳軍寨在都統制司之後都統制司在行宮城之後法寶寺在精銳軍寨之後蓋都統制司地基及精銳軍寨基皆梁陳宮掖舊址也故景陽臺基及臨春結綺望僊三閣故址與臙脂井皆在精銳軍寨內法寶寺老僧猶能記其祖師之言謂今行宮城後門乃梁陳宮城前門今法寶寺門牆外卽梁大通門也

秋分

建康志卷四十六

尤

湘宮寺舊在青溪橋北今徙置清化市北本宋明帝

故宅改爲寺費極奢侈虞愿曰陛下起此寺皆

是百姓賣兒貼婦錢佛若有知當悲泣哀愍帝

怒使人曳愿下殿會極詩數椽敗屋湘宮寺虞愿忠規正凜然十級浮屠那復有虛拋貼婦賣兒錢

景德寺在城內嘉瑞坊舊崇孝寺也僞吳置

國朝景德中改今額建炎初其地爲太廟徙

城隍廟于旁今廟側小巷中有僧舍數間仍用

寺額

壽寧禪院在江寧縣治南 國朝開寶七年徙入

城中蓋參政張公洎南唐賜第也捨宅爲寺併

城北廣孝寺入焉淳化五年改今額其孫諤云建康志謂

昔爲愛敬寺者非也家集有公謝表證焉舊有

瓊花一本內翰張公瓊移自維揚手植於此○

郭祥正詩一種瓊花內相栽年年非瓊瓊花

證聖寺在 行宮後南唐保大中木平和尙居此寺

故里俗至今呼爲木平寺寺東有溝迤邐西北

接運瀆今堙塞僅存遺跡王荆公詩云證聖南朝寺三年到百迴不

知牆下路今

建康志卷四十六

千

寶戒寺今在轉運衙西本迦毗羅寺南唐改眞際寺

國朝開寶二年改今額

法濟寺今在上元縣治東北

封崇寺今在斗門橋北圖經舊報慈解院也

治平寺今在江寧縣治西南

大悲寺今在炳靈公廟昔崇勝寺子院也

秀峯院舊在城北 國朝開寶八年廢太平興國

五年重建尋又廢紹興中移于鳳臺山西

興嚴寺舊在竹格渡之北本謝尚宅也亦號塔寺永

和四年名莊嚴寺宋大明中改爲謝鎮西寺陳

宣帝改名興嚴寺 國朝紹興中徙今武廟北

龍光寺在城北覆舟山下宋元嘉二年號青園寺高僧

傳云竺道生後還上都青園寺寺是惠恭皇后
褚氏所立本種青處因以爲名其年雷震青園
寺佛殿龍升于天尤影西壁因改龍光。本朝
嘉祐三年佛殿記云宋元嘉五年有黑龍見覆
舟山之陽帝捨果園東建青園寺西置龍王殿
今沼址見存至會昌年廢咸通二年重興勅賜
龍光院額舊志以爲
在龍光門外者非也

定林寺有三上定林寺舊在蔣山應潮井後宋元嘉

建康志卷四十六

三

十六年禪僧竺法秀造在下定林寺之西乾道

間僧善鑑請其額於方山重建下定林寺在蔣

山寶公塔西北宋元嘉元年置後廢今爲定林

庵王安石舊讀書處孤泉靜橫分楚老一枝節

於此傲人羣城市少美蔬想今困憐焚且憑東
北風特寄嶺頭雲。定林自有主我爲林下客
客主各有心還能共岑寂。窮谷經春不識花
新松老柏自欹斜慙慙更上山頭望白下城中
有幾家。○定林修木老參天橫貫東南一道泉
五月杖藜尋石路午陰多處弄潺湲。漱甘涼
病齒坐曠息煩襟因脫水邊履就數巖上衾但
留雲對宿仍值月相尋眞樂非無計悲蟲亦好
音。○僧修定林路獨龍新路得平岡始免遊
人展齒妨更有主林身半現與公隨轉作陰涼



六

建康志卷四十六

三

公必元罷罷相歸來再讀書定林庵內守清虛

少年解周官處悔殺當朝是誤渠。○劉公樂

聯鑣小憩定林庵我飽食參。○周公罷罷相歸來再讀書定林庵內守清虛

機非二致山僧笑我行穿竹影斜無限世間幽絕

坐聽松聲好德水行穿竹影斜無限世間幽絕

處天工分付與僧家。○家之與與五絕山人當日

濟時艱要把唐虞作樣看奏罷蕭韶韶無鳳至空

念枯鍾鼎樓臺渾一夢數間茅屋亦浮屠十載

浮雲幾變更歸來鍾阜碧嶙峋早知山色無今

古只與青山作主人六籍工夫四海名太平底

事竟沉沉裕陵一去何年再長使時賢淚滿襟

老屋三門山徑幽中藏無限古今愁

新詩吟罷春雲合塔裏金僊笑點頭

宋興寺一名興教院今在南門外寺基卽劉裕故居

李建勳遊宋興寺東巖詩幾年不到東巖下舊

住僧亡屋亦無寒日蕭條何物在朽杉經燒石

○定林所居屋繞灣溪竹繞山溪山却在白雲

間臨溪放艇依山坐溪鳥山花共我閑。○題定

林壁懷李叔時雲與淵明出風隨禦寇還燎爐

無伏火蕙帳冷空山。○書定林院題二首竹雞

呼我出華胥起滅籌燈擁燎爐試問道人何所

夢但言渾忘不言無。○道人今報講卷祇寄松

蘿夢說波羅蜜當如習氣何。○自白門歸望定

林有奇蹇蹇蹇蹇蹇蹇蹇蹇蹇蹇蹇蹇蹇蹇蹇蹇

松壑知公在兩間。○與徐仲元自讀書臺上定

林橫絕勝溪度深尋華嶺行言年同逆旅一壑

我平生。○陽公舊里詩鍾山已過萬山深更過

鍾山入定林穿盡松杉行盡。○一庵猶隔白雲

岑。○一箇青童一蹇蹇蹇蹇蹇蹇蹇蹇蹇蹇蹇

枉被周官誤罷相歸來始讀書。○半破僧庵半

補籬書題無復壁間詩祇餘手植雙桐在此外

仍兼洗硯池。○路月敲門訪病夫問來誰是雪

堂蘇不知把燭高談許會事烏臺詩帳無。○羅

也枯。○曾極詩晉至昌明祚已終識文猶有兩晉童桓元偷得宮中寶却屬新河伐荻翁

高座寺一名永寧寺在城南門外晉咸康中造又名

甘露寺嘗有雲光法師講法華經於寺天花散

落今講經臺遺址猶存或云晉朝法師竺道生

所居因號高座寺記略云考國志此山得名於晉永嘉中名甘露寺戶黎寔

多羅爲王茂洪所敬故留竺生法師繼號所居

爲高座梁初寶公主之與五百年大士俱有靈

光師座山顛說妙法天花墜焉今號雨花臺則

故僕盧給事中名襄字贊元者所命也寺易今

名且百年矣故藏古今詩刻皆廢可致者唐李

翰林本朝呂侍講王中父三扁而已吾師遺

言必求紀於者艾捨公而誰宜余雖病勉疆捉

筆惟此父子能苦行自立於瓦礫場中作大佛

事無毫髮擾可稱也哉可稱也哉乾道三年間

七月望微猷閣直學士左朝散大夫吳興郡開

國侯食邑一千戶賜紫金魚袋致仕劉岑記并

書左朝奉郎充荆湖南路安撫使馬步軍都總

管賜紫金魚袋張孝祥篆額。○會稽詩石子岡

前高座寺積車曾向此徘徊清談未解傾人國

更引胡僧渡海來

殊勝寺在城南門外本宋福興寺僞唐後主葬照禪

師於此因名塔院

吉祥寺在城南二里餘 本朝治平二年賜額舊在

城隍廟東後以寺基爲太廟徙置于此

百福院在城南五里本梁解脫院今爲樞密王公綸

功德寺

均慶院在城南門外舊在金陵坊晉天寶寺唐開元

十年改爲天保寺 國朝開寶八年毀太平興

國五年就修真觀基重置紹興初移其額于雨

華臺後壞于火因遷于臺之下今止有古塔一

座卽無殿舍屋宇塔前鑄宋故三藏特賜寶覺

圓通法濟禪師道公之塔一十八字後有宋故

三藏法師道公塔銘

佛窟寺一名宗教寺在牛頭山去城三十里舊傳牛

頭山下有辟支佛窟宋大明中移郊壇於山之

東峯執事者導從百餘人游西峯石窟見一僧

跌坐執事者問之忽無所有但遺錫杖香鑪餅

孟而已梁天監二年司空徐度造寺因名佛窟

寺唐大歷九年代宗因感夢勅修寺之東西峯

頂七層浮圖 國朝太平興國二年賜今額

部備詩曩事何人爲證明白雲深鎖翠微坑已

聞過去辟支佛未見當來彌勒生。○馬詩亭之

辟支還示見分明彌勒又生來刀如級盡鋒何

形胎可入有無真妄使人猜

卷終